

Arkivnr: 2014/559-14
Saksbehandlar: Ingeborg Borgen Takle

Saksframlegg

Saksgang

Utval	Saknr.	Møtedato
Fylkesutvalet		19.05.2015
Fylkestinget		09.06.2015

Vedtektsendringar for Ungdommens fylkesting og Ungdommens fylkesutval

Samandrag

Ungdommens fylkesting fekk sitt reglement inkludert i Delegasjonsreglementet til Hordaland fylkeskommune etter vedtak i fylkestinget 11.06.2014. Her vart det stadfesta at vedtektene til Ungdommens fylkesting berre kan endrast av det ordinære fylkestinget.

På Ungdommens fylkesting 25.-26. januar 2014 vart følgjande vedtak gjort:

«*Ungdommens fylkesting ber om at Ungdommens fylkesutval startar eit arbeid for å revidere det gjeldande reglementet, slik at det i praksis fungerer hensiktsmessig.*»

På bakgrunn av dette vedtaket har Ungdommens fylkesutval i 2014 hatt ein større gjennomgang av vedtektene og la fram omfattande endringsforslag til Ungdommens fylkesting 13.-15. februar 2015.

Forslag til innstilling

Fylkestinget vedtek reviderte vedtekter for Ungdommens fylkesting og Ungdommens fylkesutval.

Rune Haugsdal
Fylkesrådmann

Ingrid Holm Svendsen
Fylkesdirektør organisasjon

Saksframlegget er godkjent elektronisk og har derfor inga underskrift.

Fylkesrådmannen, 29.07.2014

Ungdommens fylkesting og Ungdommens fylkesutval har fått utforma eit reglement, som ein finn i Delegasjonsreglementet til Hordaland fylkeskommune s. 11, og vedtekter som styrar dei interne prosedyrane. Både reglement og vedtekter kan berre verte endra på fylkestinget, og når det gjeld vedtektene er dette heimla i §5 Endring av vedtekter:

«5. 1 Fylkestinget i Hordaland har mynde til å endre vedtektene for Ungdommens fylkesting og Ungdommens fylkesutval. Vedtektene kan likevel berre endrast etter framlegg frå Ungdommens fylkesting. Ungdommens fylkesutval kan kome med forslag om vedtektsendringar.»

Ungdommens fylkesting 2014 vart heldt 25.-26. januar. Der vedtok Ungdommens fylkesting, med 2/3 fleirtal, slikt vedtak:

«Ungdommens fylkesting ber om at Ungdommens fylkesutval startar eit arbeid for å revidere det gjeldande reglementet, slik at det i praksis fungerer hensiktsmessig.»

Ungdommens fylkesutval har jobba med vedtektene i 2014, i samråd med juridiske ressurspersonar i fylkeskommunen. Det vart klart at mange av vedtektene slik dei nå står er vage, uklare og til dels seier noko anna enn det som er hensikta. Språket er og til tider innvikla og byråkratisk.

Ungdommens fylkesutval fremja eitt forslag til nye vedtekter på Ungdommens fylkesting 13.-15. februar 2015. Forslagsendringane var i hovudsak endring av omgrep for å gjere dei meir forståelege og nokre presiseringar. Det er elles få vedtektsendringar i praksis, eitt døme er at ein har fjerna rollane gjest og observatør på Ungdommens fylkesting, men opna for at Ungdommens fylkesting har moglegheit til å gi slike rettigheitar til einskilde personar dersom det er trong for det. Sjå §2.11.

Ungdommens fylkesting gjorde slikt vedtak 15.02.2015:

«Vedtak

Ungdommens fylkesting vedtek slike vedtekter for Ungdommens fylkesting og Ungdommens fylkesutval, og ber om at desse vert lagt fram for fylkestinget for endeleg godkjenning.»

Vedlagt finn de vedtektene der endringane er markert. Tillegg står i kursiv og det som er fjerna er markert med overstryking.